



# 漫步洋气老西关

从地铁一号线长寿路站出来,附近的恒宝广场、宝华路、永庆坊……都係广州潮人钟意打卡嘅地方,吃喝玩乐、街街买衫、影相打卡,满足一日都有问题。而从恒宝广场北门出来的宝源路,虽然只要500米嘅长度,却係一条满载老西关记忆嘅宝藏旧街,就经常被我们忽略咯,趁3月初紫荆花开季节,最啱去打卡。

王敏/文  
陈秋明/图

## 处处係西关印记

宝源路位于老西关腹地,东行直至宝华路,西向就係荔枝湾景区,以恒为出发点慢慢逛,仲可以到恩宁路、泮塘五约,或者逛到上下九步行街添。唔讲可能大家都有注意,宝源路仲係广州历史建筑分布最为密集街道之一,但同宝华路、多宝路并称为“西关三宝”。流连宝源路,你转头就会发现木制趟栊门,抬头见到五彩缤纷雕花玻璃窗,低头见嘅係历经岁月依然坚硬青砖石脚,小小店铺里不咸不淡嘅嘢,呢啲构成老西关特色魅力嘅古老印记,尽管经历数十、数百载,自家咁向街坊诉说自己嘅威水史。



喺清末清初嘅时候,宝源路呢边係发迹商人钟爱嘅居住地,建筑风格除咗大体保留传统西关风格之外,唔少细节都融入西方元素,中西合璧极具特色。好似打卡坐标“明勤第”咁,趟栊横木mix罗马石柱嘅设计,从古至今都唔会显得违和;欧式拱券和木框花窗嘅搭配亦令人觉得赏心悦目。宝源路101号民国老宅,更係完美演绎了东西方美学嘅平衡,始建于1910年前后嘅佢,采用咗当时好新潮嘅欧式立体前凸设计,但同时又keep住最传统嘅满洲窗,今日睇嚟,都仲係旧屋改建嘅经典模范。

现时嘅传统骑楼里面,有咗好多潮流仔女中意嘅元素。例如充满猫猫元素嘅发廊,已经静鸡鸡睇度开了好多年,听讲佢们长嘅款式,可以复古可以朋克,而且实行预约制哩!推开通花老木门,饮茶倾计嘅靓姐,同蹭网打卡嘅后生仔女和谐相处,进口冬阴功与中式焖牛腩亦唔冲突,成就咗一间间美味嘅网红食肆。学生哥路过,会驻足路边小店小摊,茶叶蛋、凉面筋呢啲“小学鸡”味道,永远唔会过时。后生仔女行过就入咖啡店、茶饮店hea下,饮杯冷饮过下口瘾,路过赞记都会好奇咁问东问西,买个嫁女饼当零食……宝源路上的美食都係新旧相容、中西互补的,选择好丰富。



喺岁月嘅洗礼中,宝源路保留传统嘅生活痕迹,又增添新嘅潮流元素,乍眼看似古旧嘅陈列,细睇会有大大嘅惊喜。游客喜欢过来一探岁月静好嘅潮流生活,而老居民嘅生活没有受过多打扰,呢条宝藏老街亦就有源源不断嘅生命力。3月气温回暖,宝源路嘅紫荆花会为佢增添一抹娇嫩嘅粉红色,到时候去打卡会更加靚。

## 宝藏老街有潮味

# Color班马

新一年,《可乐生活》有好消息话俾大家知!我哋筹备已久嘅可乐生活融媒体直播间(下文简称“直播间”),已经正式启用啦!呢度不单单有设备齐全嘅直播空间,更係囊括娱乐、潮流、时尚、公益科普等丰富元素嘅展示空间,係羊城创意产业园新晋“网红”打卡点。Color君便係带大家参观下,抢鲜体验佢嘅魅力。

郭玮/文 陈祉伶/图 郭玮、黄蕾/模特

## 新晋网红驾到!

### 潮玩新活力

作为一个不被定义嘅展示空间,可乐生活融媒体直播间用一抹养眼清新绿作为主色调,激发活力潮流感。点解门口有只“班马”,整个空间亦以班马元素为设计主题咧?其实,取“班马”谐音嘅“班马”,在粤语中有招呼朋友嘅意思,而“班马”品牌係《可乐生活》重要活动品牌之一,曾举办过多次音乐节、潮玩派对、潮拍活动、美食市集等活动。直播间启用之后,Color君亦会同“班马”一齐,组办更多有趣好玩嘅活动,约埋大家一起玩,直播间将会係我哋聚会嘅重要据点之一。同时,Color也会邀请更多艺人、歌星friend嚟打卡,同fans们见面、互动,大家嚟参观打卡嘅时候,分分钟见到自己嘅idol啦!



### 花臣不设限

元素“多元化”仲要玩出新花臣,融媒体直播间除咗作为展示空间,带大家睇眼睛去蒲之外,仲会举办各种沉浸式线下体验活动,只要大家中意玩嘅,直播间就可以随时变身!现在室内、户外有足够大嘅空间,可以满足节目录制、小型活动举行,随时可以睇番场live演出以及小型明星见面会。首批“试玩”嘅靓club栏目组,已经睇度成功塑造“打工仔变爱豆”“blingbling洋娃娃”等案例,大家都话试试体验very nice。“粤语课堂”栏目、各种IP展览都准备进驻啦!未来,大家仲有机会饮到“Color咖啡”,体验到“Color厨房”“手工坊”等有趣、有意义嘅线下实操活动,艺人直播、明星live show等节目,都已进入直播间to do list入面,玩过嘅、未试过嘅都有机会突然降临,大家记得密切关注可乐生活融媒体直播间动态啦!



### Color主题展

《可乐生活》一直致力于为大家送上新鲜滚烫嘅潮流资讯,陪你哋玩转新奇趣怪嘅潮流好物。直播间主题展览嘅“头啖汤”,可乐君自然係留俾自己。睇直播间“启动展”上,Color将自己嘅私藏好物show给大家面前:原创粤语元素KT板、创意笔记本等历届周年庆推出嘅周边……呢啲都係记录Color成长路上重要节点嘅印记,也係各位可乐粉丝们嘅青春伴手礼;仲有每次活动精心设计的文创周边,记录下活动嘅小故事、小心思,令人印象深刻。未来,呢度仲会定期举办唔同形式嘅潮流展览,鲜为人知嘅非遗故事、珍藏级别嘅香港歌手黑胶唱片……Color会用大家估唔到嘅惊喜方式,带大家开启一场奇妙之旅。你想睇精彩画面,希望试到特色美食、期待见面嘅一生最爱,都可以大声话俾我哋知,随时有surprise!

